



# Bájkkeavijssa NuorttaSálto

# Sihtti Vánatjasuolluv suodjalit

Tæksta/gávvá: Gunnar Grytøyr  
Járggálibme: Divte Media AS/Adrian N. Mikkelsen


■ Divtasvuona suohkan sihtá Vánatjasuolj, Gásluovta, Vuollná ja Jågásijda gasska galggá kulturmujtton suodjaluvvat nælját paragrafa, nuppát lahtasa milta - girkkogárdden.

Sivva le suollun li moadda sáme hávde guoradaláduvvam. Vánatjasuolj le árron hávddádimsadje sáme álm mugij Divtasvuonan 1000-1200 jagijs gitta 1800-jagij loahppaj. Jagen 1876 Vánatjasuolj duodastuváj girkkogárdden, jáhkedahte sihke dáttja ja sáme dav adnin gitta jahkáj 1910. Girjen *Fra en nordlandsk Prestegaard* (1923) subtsas suohkanbáhppa Divtasvuonan 1878-1884, Olaf Holm, ietjas vásádusáj sáme hávddádime birra Vánatjasuollun, kapihttalín *En begravelse blant Lapper*.

Dárkkelappot li aj guoradallam Vánatjasuollu kulturhistávrálasj árvov, duola dagu arkeologa dr. Aut. Audhild Schanke. Dimáj dámoj le tjielggiduvvam suv girjen *Graver i ur og berg – samisk gravskikk og religion fra forhistorisk til nyere tid* (2000). Suollun gávnnuji aj hávde ma ælla mierkkidum. Ednamhávde

dutkijis gehtjaduvvi gasskamuddon vuodohávde dábijs risstalasj hávddádimejda, dan diehti gá ednamhávde gávnnuji vuodohávdij guoran suollujn moadda sáme árron guovlon. Dát – ja duodden njálmálasj ja tjálasj mujttalesá, duodas Vánatjasuolj le árbbedábálasj sáme hávddádimsuolj. Gá suolj hávddádime li dábdos, de le rádeálmáj Konrad Sætra mielas jut suolj galggá suodjaluvvat automáhtalasj ráfájduhtema vuolláj. Dajna de guoradaláduvvam kulturmujtto, udnásj tjáledimijn, aktivuohtaj biejaduvvat sáme suolj hávddádime árbbedábe milta.

Uddni le dássju oasse suollus suodjaluvvam. Askeladden kulturmujtto dáhtábása milta li girkkogárddesaje ja girkkogárde automáhtalattjat suodjaluvvam. Arkeologalasj saje, gierggehárresalljo ja arkeologalasj ájnégismujtto – hávde gierggehárre, tjielggiduvvá «iehpetjielgas suodjalimsládján» dán dáhtábásan. Dillediedádusán gehtjadimmáhke maññela jagen 2006, Askeladden kulturmujtto dáhtábásan láhkáp saje Vánatjasuollun li nievres dilen gasskasijis, bávnijis ja muorajs savvum. Duodden lij gássjel gávnnat hávdijt ma ællim mierkkidum, ja girkkogárdde gárdev ja gálmme goade sadje ittij gávnnu.



Aktan Divtasvuona girkkko aktisasjrádijn sávvá ávddánammadus, guhti ássjev dagástallin tjáhkanimen ávdep vahko duorastagá, barggojuohkusav ásadit oassálasstij aktisasjrádes, bájkálasjhistávrálasjlágas, Museum Nord, Árran dávvvervuorkás ja suohkana háldadusás. Ulmme le árvvaladdat ja

gárvedit bisodimev ja ienep árvvusasj suodjalimev Vánatjasuollutjis gá uddni. Gálggi aj árvustallat jus suollu galggá automáhtalattjat suodjaluvvat kulturmujtto lága nælját paragrafa nuppát lahtasa milta. Avtajienalasj ávddánammadus dav mierredij.

